



017/2023 EBAZPENA, ekainaren 23koa, Funtzio Publikoko sailburuordearena, zeinaren bidez handitu egiten baita Administrazio Orokorreko eta haren erakunde autonomoetako Espetxe Administrazio Zigor Betearazpeneko Laguntzaileen Eskalako lan-poltsa, Espetxe Administrazio Zigor Betearazpeneko Laguntzaileen Kidegokoa (C1 taldea).

Gobernu Kontseiluaren 2022ko uztailaren 12ko Erabakiak, zeinaren bidez Euskal Autonomia Erkidegoko Administrazio Orokorrearen Mahai Sektorialaren Akordioa onartzen baita, Euskal Espetxeetako Administrazioan zerbitzuak ematen dituzten enplegatu publikoen zenbait alderdi espezifiko arautzen dituenak (EHAA, uztailaren 22koa), III. Eranskinean, aurreikusten du aldi baterako deialdi bat onartu behar dela EAEko espetxeen transferentziaren ondorioz hutsik dauden lanpostuak bitarteko izendapen bidez betetzeko, Gobernantza Publiko eta Autogobernu Sailari eskaera bat eginez.

Herri Arduralaritzaren Euskal Erakundeko zuzendariaren 2022ko abuztuaren 30eko Ebazpenaren bidez, Administrazio Orokorreko eta haren erakunde autonomoetako espetxeetan laguntzaile lanposturako (C1 azpitaldea) lan-poltsa eratzeko hautaketa-prozesurako deialdia egin zen.

Funtzio Publikoko sailburuordearen urtarrilaren 10eko 01/2023 Ebazpenak Administrazio Orokorrean eta haren erakunde autonomoetan Espetxe Administrazio Zigor Betearazpeneko Laguntzaileen Kidegoko Espetxe Administrazio Zigor Betearazpeneko Laguntzaileen Eskalako (C1 taldea) lan-poltsa eratzen du, eta hautaketa-prozesua gainditu duten langileak biltzen ditu.

Herri Arduralaritzaren Euskal Erakundeko zuzendariaren 2022ko abuztuaren 30eko Ebazpenaren zortzigarren oinarriak prestakuntza teoriko-praktikoaren edizio berriak egitea aurreikusten du, honela: "Hitzarmen hau indarrean dagoen bitartean, hainbat prestakuntza-jarduera teoriko-praktiko egin ahal izango dira. Pertsona berriak aurreko prozesuko azken pertsonatik aurrera sartuko dira lan-poltsan".

Herri Arduralaritzaren Euskal Erakundeko zuzendariaren 2023ko maiatzaren 22ko Ebazpenaren bidez, argitaratzen dira goian aipatutako lan-poltsako hautaketa-prozesuko prestakuntza teoriko-praktikoaren bigarren edizioako behin betiko emaitzak eta ebatzen da hautagai jakin batzuk hautaketa-prozesutik kanpo uztea.

Herri Arduralaritzaren Euskal Erakundeak izangaiek merezimendu-lehiaketan eta hautaketa-prozesuko bigarren prestakuntza teoriko-praktikoan lortutako behin betiko puntuazioak argitaratu eta Funtzio Publikoko Zuzendaritzari jakinarazi ondoren, Funtzio Publikoko sailburuordearen ebazpen bidez lan-poltsa handituko da eta bigarren prestakuntza teoriko-praktikoko langileak sartuko dira, ebazpen honetan jasotako baldintzetan.





Azkenik, Gobernantza Publiko eta Autogobernuko sailburuaren 2021eko urtarrilaren 7ko Aginduan xedatutakoaren arabera, ebazpen hau eta lan-poltsaren zerrenda argitaratuko dira EAEko Administrazio Orokorreko eta haren erakunde autonomoetako Lan-poltsen Atarian.

Gobernantza Publiko eta Autogobernu Sailaren egitura organikoa eta funtzionala ezartzen duen 2021eko urtarrilaren 19ko 8/2021 Dekretuaren 17. artikuluan eta Gobernantza Publiko eta Autogobernuko sailburuaren 2021eko urtarrilaren 7ko Aginduaren 3. artikuluan esleitutako eskumenaren arabera, honako hau

#### EBATZI DUT:

Lehenengoa.- Espetxe Administrazioko Zigor Betearazpeneko Laguntzaileen Kidegoko Espetxe Administrazioko Zigor Betearazpeneko Laguntzaileen Eskalako lan-poltsa handitzea eta langileak integratzea, ebazpen honen eranskinean ezarritako baldintzetan.

Bigarrena.- Lan-poltsen Atarian argitaratzea Ebazpen hau eta lan-poltsa handitu ondoren lan-poltsetan dauden langileen zerrenda. Atari horretara egoitza elektronikoaren eta helbide honen bidez sar daiteke: [www.euskadi.eus/lanpoltsak](http://www.euskadi.eus/lanpoltsak)

Ebazpen honen aurka, gora jotzeko errekurtsua aurkeztu ahal izango zaio Gobernantza Publiko eta Autogobernuko sailburuari, hilabeteko epean, ebazpena Lan-poltsen Atarian argitaratu eta hurrengo egunetik aurrera .

Vitoria-Gasteiz,  
Jose M<sup>a</sup> Armentia Macazaga  
FUNTZIO PUBLIKOKO SAILBURUORDEA

## ERANSKINA

Lehenengo oinarria.- Lan-poltsa osatzen duten langileak

Espetxe Administrazioiko Zigor Betearazpeneko Laguntzaileen Eskalako lan-poltsan sartuko dira Herri Arduralaritzaren Euskal Erakundeko zuzendariaren 2023ko maiatzaren 22ko Ebazpenaren eranskinean jasotako langileak. Ebazpen honen bidez argitaratzen dira izangaiek merezimendu-lehiaketan eta hautaketa-prozesuko bigarren prestakuntza teoriko-praktikoan lortutako behin betiko puntuazioak.

Bigarren oinarria.- Ordena eta puntuazioa.

Langileak Herri Arduralaritzaren Euskal Erakundeko zuzendariaren 2023ko maiatzaren 22ko Ebazpenaren eranskinean jasotako hautaketa-prozesuaren ondoriozko hurrenkeran integratuko dira, Funtzio Publikoko sailburuordearen urtarrilaren 10eko 01/2023 Ebazpenaren bidez eratutako lan-poltsako azken pertsonaren atzetik, eta zero puntuazioarekin.

Hirugarren oinarria.- Langileen egoerak eta lehenetsiak

1. Langileak lanerako prest egoeran egongo dira.

2. Langile horiek honako aukera hauek izango dituzte lehenetsita:

- Edozein prestazio-modalitate
- Edozein lanaldi
- Edozein ordutegi
- Edozein eremu geografiko

3. – Interesdunek Lan-poltsen Atariaren bidez aldatu ahal izango dituzte prestasun-egoeraren aldaketa eta ebazpen honetan lehenetsita ezarritako lehenetsiak, Euskal Autonomia Erkidegoko Administrazio Orokorrean eta haren erakunde autonomoetan aldi baterako zerbitzuak emateko langileen hautaketa arautzen duen Gobernantza Publiko eta Autogobernuko sailburuaren 2021eko urtarrilaren 7ko Aginduaren ezarritakoaren arabera.

Aldaketek ondorioak izango dituzte egin eta hurrengo egunetik aurrera.

Laugarren oinarria.- Publizitatea eta ondorioak

1.- Espetxe Administrazioiko Zigor Betearazpeneko Laguntzaileen Eskalako lan-poltsa osatzen duten langileen zerrenda, handitu ondoren, Lan-poltsen Atarian argitaratuko da. Atari horretara egoitza elektronikoaren eta helbide honen bidez sar daiteke: [www.euskadi.eus/lanpoltsak](http://www.euskadi.eus/lanpoltsak).

2.- Ebazpen honek eta lan-poltsa hori osatzen duten langileen zerrendak ondorioak izango dituzte Lan-poltsen Atarian argitaratzen denetik.